



Sarajevo, 08.07.2021.
Broj: NO-20745/21-59./3.9.

SKUPŠTINA DRUŠTVA

Obrazloženje Prijedloga Statuta o dopuni Statuta Javnog preduzeća Elektroprivreda Bosne i Hercegovine d.d. - Sarajevo

U cilju efikasnijeg i kvalitetnijeg poslovanja, te samostalnog obavljanja određenih aktivnosti na pripremi izgradnje elektroenergetskih objekata, JP Elektroprivreda BiH d.d. – Sarajevo ima namjeru da se bavi djelatnostima koje se odnose na geološka istraživanja, izvođenje istraživanja i ispitivanja na terenu.

Kao preduslov za obavljanje navedenih aktivnosti, prije pribavljanja odgovarajućih dozvola nadležnih organa, potrebno je izvršiti upis djelatnosti u registar društava, a na osnovu utvrđenih djelatnosti u Statutu JP Elektroprivreda BiH d.d. – Sarajevo. Važećim Statutom JP Elektroprivreda BiH d.d. – Sarajevo, u članu 11. nisu utvrđene djelatnosti koje podrazumijevaju obavljanje gore navedenih aktivnosti.

Organizacione jedinice za kapitalne investicije u okviru svojih redovnih aktivnosti na pripremi i izgradnji proizvodnih elektroenergetskih objekata, između ostalog, imaju obavezu da pripreme Projekat geološko-geotehničkih istražnih radova, provedu reviziju Projekta, te izvedu istražne radove i izrade elaborat istražnih radova. Projekat istražnih radova i reviziju Projekta ne može obaviti isti pravni subjekat, a pravno lice koje je izradilo Projekat istražnih radova ne može izvoditi istražne radove.

Imajući u vidu da JP Elektroprivreda BiH d.d. – Sarajevo nema odgovarajuća ovlaštenja za obavljanje navedenih aktivnosti, radnici Društva nisu u mogućnosti da za potrebe pripreme i izgradnje objekata izrade projekat istražnih radova ili izvrše reviziju programa istražnih radova.

U odnosu na naprijed navedeno, prema dosadašnjem iskustvu, na primjer, u pripremi projekta Rudnik i Termoelektrana Bugojno, kada je tender za istražne radove obustavljen do formiranja posebnog pravnog subjekta u vlasništvu JP Elektroprivreda BiH d.d. - Sarajevo, istražni radovi za potrebe pripreme izgradnje termoelektrane i rudnika nikada nisu ni izvedeni.

Za potrebe izvođenja istražnih radova za Blok 7 u TE Tuzla, HE Vranduk, HE Janjići, HE Kovanići, HE Kruševo, VE Podveležje, a uskoro i za pripremu izgradnje solarnih elektrana angažovana su ili će biti angažovana treća lica, a JP Elektroprivreda BiH d.d. - Sarajevo ima ulogu posmatrača u predmetnim poslovima.

Ističemo i primjer provođenja procesa nabavke istražnih radova za potrebe pripreme izgradnje HE Ustikolina, gdje je usljed nedovoljnog/neadekvatnog odziva na objavljene javne pozive došlo do povlačenja saglasnosti lokalnih zajednica za izvođenje istražnih radova, što je prijetilo ugrožavanju realizacije kompletnog projekta.



Vilsonovo šetaliste 15. 71000 Sarajevo, BiH,

Reg. broj: UF/1-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH Sarajevo
161000005160023 - Raiffeisen Bank d.d. BiH Sarajevo
1990490176075902 - Sparkasse Bank d.d. BiH Sarajevo
1401011110000812 - Sberbank BH d.d. Sarajevo
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Čatići
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Zenica, Safvet bega Bašagića 6

Iz naprijed navedenih razloga predlaže se dopuna člana 11. stav (1) Statuta novim djelatnostima u skladu sa Zakonom o klasifikaciji djelatnosti u Federaciji BiH i Odlukom o klasifikaciji djelatnosti BiH 2010, i to razredi: 43.12 Pripremni radovi na gradilištu i 43.13 Ispitivanje terena za gradnju bušenjem i sondiranjem.

U skladu s Odlukom o klasifikaciji djelatnosti BiH 2010, razred 43.12 Pripremni radovi na gradilištu, uključuje: raščišćavanje gradilišta; zemljane radove: iskop, nasipanje, ravnanje i druge radove na oblikovanju gradilišta, kopanje kanala, uklanjanje stijena, miniranje itd.; pripremanje terena za rudarstvo: zemljane i druge radove na pripremi mineralnih nalazišta i gradilišta, osim naftnih ili plinskih nalazišta; drenažne radove na gradilištu; drenažne radove na poljoprivrednom ili šumskom zemljištu.

Razred 43.13 Ispitivanje terena za gradnju bušenjem i sondiranjem, uključuje probno bušenje, sondiranje i uzimanje uzoraka terena za građevinske, geofizičke, geološke ili slične namjene.

Cijenimo da se registracijom navedenih djelatnosti, a potom i pribavljanjem neophodnih ovlaštenja nadležnih organa, ne ugrožava formiranje novih organizacionih oblika koji bi se bavili istim ili sličnim djelatnostima. Naprotiv, mišljenja smo da bi se na ovaj način omogućilo zatvaranje procesa izvođenja istražnih radova od izrade projekta, revizije do izvođenja istražnih radova, zbog ograničenja na koja smo na početku ukazali. Slična ili ista ovlaštenja i sada posjeduju pojedina zavisna društva rudnici uglja.

Uprava Društva je na 109. sjednici održanoj dana 05.07.2021. godine utvrdila nacrt Statuta o dopuni Statuta JP Elektroprivreda BiH d.d. – Sarajevo, koji je dostavljen Nadzornom odboru na utvrđivanje prijedloga i upućivanje Skupštini Društva na odlučivanje.

Nadzorni odbor Društva je na 59. sjednici, održanoj 08.07.2021. godine, utvrdio prijedlog Statuta o dopuni Statuta JP Elektroprivreda BiH d.d. – Sarajevo koji se dostavlja Skupštini Društva na odlučivanje.

U skladu sa članom 3. stav (1) tačka a) i stav (2) i članom 6. Odluke o prethodnoj verifikaciji akata u JP Elektroprivreda BiH d.d. – Sarajevo, broj: NO-34929/13-31/4. od 28.11.2013. godine, potvrđena je zakonitost, stručnost u obradi, ispravnost i opravdanost donošenja predloženog akta.


Predsjednik
Nadzornog odbora
Dr. sci. Izet Žigić



Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH Sarajevo
1610000005160023 - Raiffeisen Bank d.d. BiH Sarajevo
1990490176075902 - Sparkasse Bank d.d. BiH Sarajevo
1401011110000812 - Sberbank BH d.d. Sarajevo
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Čatići
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buča 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Zenica, Safvet bega Bašagića 6



Javno preduzeće _____
ELEKTROPRIVREDA BOSNE I HERCEGOVINE
_____ d.d. - Sarajevo

PRIJEDLOG STATUTA
o dopuni Statuta
Javnog preduzeća Elektroprivreda Bosne i
Hercegovine d.d. - Sarajevo
koga Skupštini Društva u niže izloženom tekstu radi
donošnja upućuje:

Nadzorni odbor
JP Elektroprivreda BiH d.d. - Sarajevo
Predsjednik

dr. sci. Izet Žigić

Sarajevo, 08.07.2021. godine

STATUT
o dopuni Statuta
Javnog preduzeća Elektroprivreda
Bosne i Hercegovine d.d. - Sarajevo

Juli, 2021. godine



Na osnovu člana 121. i člana 234. Zakona o privrednim društvima (“Službene novine Federacije Bosne i Hercegovine”, broj 81/15), _____ Skupština Javnog preduzeća Elektroprivreda Bosne i Hercegovine d.d. - Sarajevo je, dana _____ godine, donijela je

**Statut
o dopuni Statuta
Javnog preduzeća Elektroprivreda Bosne i Hercegovine d.d. - Sarajevo**

Član 1.

U članu 11. Statuta Javnog preduzeća Elektroprivreda BiH d.d. – Sarajevo, broj: SD - 5211/16 - 38/2., od 29.03.2016. godine, broj: SD-18295/18-51/5., od 19.07.2018. godine i broj: SD-31793/20-66/2., od 07.12.2020. godine (u daljem tekstu: Statut), u stavu (1) vrši se sljedeća dopuna:

Iza djelatnosti „42.99 Gradnja ostalih građevina niskogradnje, d.n.“ dodaju se nove djelatnosti:

„43.12 Pripremni radovi na gradilištu

43.13 Ispitivanje terena za gradnju bušenjem i sondiranjem“.

Član 2.

Ovaj Statut stupa na snagu osmog dana od dana objavljivanja na oglasnoj ploči Društva.

Broj: SD -
Sarajevo, __.__.____. godine

Predsjednik
Skupštine Društva